

洞玄靈寶本相運度劫期經

三

靈寶天尊昔於洞淳山中謂道士矣明日汝居此山幾何也矣明答曰弟子自住此境三百萬劫

天尊曰汝住是境三百萬劫匪有何奇章異種之物乎矣明答曰自居此土三百萬劫蘭林不衰鳳鳥不死其林樹葉有天景大混自然文字九色鳳鳥恒食樹葉其鳥晝夜六時吐其異音其鳥鳴時國中男女皆望音而禮舉國男女各面有金容壽命三十六萬歲無有中夭者其國中有一火鍊之池其水蔚勃禮服而激形狀有似天景大混之文國中男女三年一詣火池沐浴身形不知因緣所從而來其國人民不知三寶可奉不知造惡任化自然亦如鳥鹿之徒生也唯願

知  
天尊告其因緣所從而來令諸國人悉得聞  
天尊告曰此土男女無辜壽命長遠而無中夭者吾昔在赤明元年於此土中撰天景大混自然文字以火鍊其字形流精水池故有

字形國人男女三年一詣火池沐浴身形即飲其水腹中三年調節故人命壽長遠以此天景大混自然文字故爾時香草拂拭天文化成蘭林其葉文字以本有之故葉起天文鳳鳥食之故能長命其音麗雅汝知不乎從

今以去天運當促真文還收太芒上京紫微官中其後人命短促五濁躁競眾邪野道競來擾亂國主貪暴兵革妄興疫氣流行助其威虐人民疾病死亡狼籍是男是女任命生死不以道理吾哀之故為撰其文字天景大混之科歷國說法出法度人若有善男善女修行道德永慶惡世取於將來無為之福場矣明日此事久遠非是淺智愚情之士所能分別今日聞說得知本始所從而來一生之幸無喻可匹

天尊言天運當促真文收還大羅之外玉芒玄臺紫微官中五濁躁競人命轉促眾邪野道競來擾害人民疾病死亡狼籍如斯之苦無可怨之唯有禮拜燒香願度惡世求將來世無量之福場如有斯業可以均之復有餘

業可得免脫後獲大福乎答曰三寶者道之元度世之本三業者神真之徑路萬聖之所由長齋者真仙之上業斷結之本始布施者無窮之道場七寶常自然如五戒者安樂無終患人通常不絕四十五念者大慈之業明

始終別三惡造屋者安靜無量樂官殿常自隨供養者行坐無飢乏天厨常自然濟人渴乏者去住常安穩始終無他苦橋梁過度者臨難不以難天神常扶持捨施者天神空中喜道士殊丹誠唱道者行來常如意生死得人主一切諸業者莫不得如意人能行如是意從無不達心法口必書徘徊必馳之心口行相從和光神必周情逆其相連百向無人可雖假得微息天必還奪之行學從意浪徑違必墜坑塢之喻五內違欲投巨海塵至想

炎煩正念孤獨存不得躁外煩塵深不得加微受想奪入本志心泯塞百煩毫孔開悉納無上法用之便用之不用便不用生之何生之不生為不生學士不思害魔欲無殺之付行良擇用馳路且夷止始終無朽敗神怡助

道之切立事亦成道王其歎之授記無上卿  
湛而無違知永辭百項苦萬真同神慧天明  
問曰當來僅為五濁惡世來邪野道一切衆  
橫擾亂良善疾病死亡不以道理蒙  
天專言造諸功德修行道法功晉成就得度

惡世一切衆生為生官逼近上擾下給苦惱  
衆生進不及功退不免死官事疾病競來威  
虐如斯之厄奈何免脫夫聖人大慈應濟世  
苦豈不勉之豈不勉之

天專告白善汝之所問甚要甚妙諦聽諦聽  
語汝諸苦濟厄之法昔者亦明元年正月上  
寅天光悉朗日月吐輝靈風掃塵山嶽震雲  
出是法時知當來運終劫末之世兵病流行  
人命短促致開緊微上官延生度世不死之  
法濟厄救苦拯難之道故說神呪經十卷救

濟衆生苦厄之者若有衆生遭諸疾病官事  
刑獄一切衆橫者有能讀誦至心受持書寫  
供養將來往生兜術徐來勅一時同出能還  
見世永終康吉若有衆生遭諸苦厄不能及  
是神呪經十卷者誓魔呪邪二卷二卷不可

無也假使力不能及一卷亦可免度厄難見  
世平安何以故此二卷能召三十五大魔王  
三十六世大邪鬼威普六天鬼神無不厥伏  
若有不如神呪之法能令魔王入淵能令魔  
王入火能令魔王萬斬頭破萬分不以為謝

復有藥王藥威恒威以雪山採藥採合藥草  
和合搗篩救諸病苦若有衆生遭諸病苦  
厄之中不及湯藥但當一心思惟二藥真人  
造諸良藥醫治百姓皆得差愈但當正思正  
念病可差除若心飛馳不加正念不能差愈

復有元陽上却七仙真人六神仙人十三過  
去得道真人名號臨有厄難不能免脫但當  
至心呼其名號十三真人亦即來應救護是  
人悉得平安若無至心呼之萬遍不能降致  
神真也此元陽上品濟人厄難救護世中苦

厄衆生若有衆生無男無女有能至心受持  
書寫讀誦憶念是經有願悉得復有靈寶無  
量度人上品有能書寫讀誦齋詠是經有願  
無不如意何以故斯經誦天隱韻之音尊妙  
無量不可思議若有衆生病疾死亡官事刑

獄有能達齋誦十遍亡者去離幽苦上昇  
天上受福自然若遭厄難能呼三十二天名  
號至心祈願無不解脫復有太清二十五真  
人名號亦能濟人厄難不可思議復有大洞  
真經六天魔王諱字亦復濟人厄難無量神

經十二真君名號至心稱誦亦復濟人厄難  
復有三昧真經九天名號亦能濟人厄難復  
有道德節解五藏真神名號至心呼召附衛  
身形安鎮魂魄能使神爽安定不遭衆橫悉  
得如意若能思念無量至無違德所向之時

思之念之號之呼之無不允合皆得如意矣  
明曰一切衆生作如是念作如是思稱呼聖  
人名號得度厄難一切蒙恩但以衆生不信  
斯念不信聖人之有名號過於衆橫苦惱之  
中方思玄業委身道門至心稱其聖人名號

有功感以否  
天專答曰有何以故貴其初心尚其後果能  
有身心具發可謂美矣豈有無感功也踈陀  
人不信功德任命生死不知因緣輪轉福報  
而不經懷諸部經典謂之虛言過一餒士羸

瘦欲死路見懷於甚無己已扶將到豐飲始  
過糜食一以畢顏色暢悅食二以訖走力充  
足食三以竟辨口通說食四以足智力自然  
餒困得濟名號與命三日五食五德備矣斯  
人即名昔東華落死北簿食信慈心其果如

是而况遵厄思聖濟度夫聖人常臨難接人  
不窮無智恒以德報怨授化有心其人前雖  
無親思附丹誠豈得不應者乎譬如谷神容  
無不對豈擇聲而授者乎聖人之應亦復如  
是問曰若善男子修行三業諸法亦備萬善  
普全思慮亦盡其道如何答曰十仙記矣何  
以故東行普備威德誕彰累煩滅除功盡記  
矣問曰若有女人修行三業諸法以備萬善  
普全思慮亦盡其道云何答曰降授一形何  
以故女人前功畢故生在女身今合功行並  
備功書名記無可奪之要須轉化男乃就  
此果耳問曰十仙可一起而成復有轉輪答  
曰一仙二仙乃至十仙皆有次第未可等而  
同輪也何以故或有凡夫而行十仙或有聲  
聞未悟不能行一仙者是以行有精麤見有

遠近所用不等各由心也問曰學士之法為  
數身數心數行數功數年若修其身未必苦  
勤若依其心未必數身若計其行未必細心  
若計其功未必苦行若數其年未必翹勤進  
退之宜不能明了惟願

天尊告其未悟令諸衆生悉得解了答曰自  
心不數身計功不計年何以故學士乃至此  
身而不一果乃有學士起一室而行道以成  
一仙是故計功因心而起因心而數其功因  
行以致其真問曰天下萬物都由道氣而生  
既有其生皆應有土石鐵獨無命乎答曰  
此四事者有性而無命何以故有性而無命  
無命者以無血脈汁色是以有性而無命也  
問曰人所以十微草木所以八微答曰以無  
意行問曰道所以獨清答曰清者萬行足而  
無垢塵故曰清自道以下皆未清何以故外  
無所彰內無若塵其性淡然而無虧盈毀之  
不滅譽之不榮撓之不濁澄之不清淡泊虛  
無無有及之漂流無滯稱之曰清耳問曰道  
何以稱一答曰名道者無為無不為高而無

蓋下而無底上無復尊覆下無復卑承無匹  
無偶無孽無喻淡泊虛無萬聖之祖宗乃至  
世界恒沙尊神莫不宗述以成至真是故獨  
標聖外不可思議而無羣旋故稱之曰一耳  
問曰何以稱之本相答曰本相者經疏稱耳

何以故本者道教開敷啓曜聖藝踐起法場  
流通之始故稱之曰本相者道法開闢傳教  
衆生形踐三界光明振暉十方衆生得蒙威  
相之功故稱之曰相二名肇建開張之首一  
切萬真莫不宗受得道之本成就之始故稱  
之曰本相也問曰天地所以生成日月所以  
布立衆星所以列宿答曰天地初生人命長  
壽而無惡心道絜純化無為而治世王煩耗  
民漸生惡道絜流浮天運漸促天魔下降野  
道橫行國主射暴兵殘民命疫蒸流布助行  
威虐傷胎落子無辜縱毒天下無謬皆遭兵  
患男曠女怨面有憂色雖有豪家賦稅蕩盡  
男失其妻女失其嫁男女失時上徹天靈使  
陰陽失度水旱交并災霜雨雹傷害五穀人  
民飢饉各難相倚相陵奪更相吞食或有

淫蕩之男不時之女私行號令共相呪誓或於日月星辰之下或於山河社祠之邊迭相誑誓棄門藩戶以臨證驗冥神毒鬼因誓攝錄生男墮傷生女便夫天下鬼兵助行威虐人民死亡不以道理盜賊競興吏食百姓窮民呼嗟正怨上天漸漸天促命延不久壽不過三十歲而終男年八歲而陽女年七歲而陰當斯之世天運促急共相渾濁不可稱記炎陽涌陰激結相迫陽毒陰怒生火江海劫燒乾坤萬物灰揚上無天色下無地淵上下說豁混然空蕩濫風鴻赤蒸彌張方遠授記之賢持爐鑪茶排托施張彫造乾坤清炁上昇為天濁炁下降為地清布陽道濁布陰道步天量地制作東西南北四維上下中央方連巨靈胡亥建造山川五嶽四瀆通之海源授記賢主玄中養以靈寶真精凝成日月星宿日主陽道日行一度月主陰道月行十三度三百六十五度一周天日圍千里月圍一千二百里天地相去一億五萬里崐崙山處於土中凡有八十一重亦名八十一天崐

崙四面即名四天下天王主之上承帝一崐崙者四海之源何以故四方大海出於山下旋流四面而去湛於淵其淵深三百三十六萬丈縱廣三萬六千五百里上合天度須人主之此海廣有大龍王三十二頭上承阿耨龍王諸天神龍百萬之數及諸龍子亦無數量崐崙之山高地一萬五千里有神仙人車道從東北甲地而上西南庚地而出其中徘徊十二市乃達其頂上凡有三百三十六萬里神仙車牛於今在也天地造化萬物有形周而復始亦如十二月法所以地山之高崐崙為之最高崐崙之南三十萬兆里復有崐崙之山東西南北亦有無量不可稱計一日月所正一崐崙名為四天下更不及諸方從崐崙至崐崙滿千數之為一從崐崙至崐崙滿千數之為二從崐崙至崐崙滿千數之為三其數滿千小數始一從小數一起其數至千始名一小千從小千數至滿千始名為一從小千至滿千始名為二從小千至滿千始名為三其三滿千中千之數也從中千數

至滿千始名為一從中千數至滿千始名為二從中千數之至滿千始名為三其三滿千名為大千此三千世界十仙所主化見神智具相威力所能及也是以世界無違聖智無極載眾無頭道乃無修一切舍形悉得生活德無所宗獨立無喻問曰天尊所說天地運終劫數盡矣造化萬物乾坤更始崐崙巨海廣狹高卑具以說之運厄之難幾年一終災會之艱幾歲一遭唯願分別答曰天地一成乃至終盡其中有三元九阨大災小災其運不可移何以故但數終矣故不可移所以若何三元者上中下也一元三阨數終巨易凡有九阨天不能改地不能易其數定矣何以故上元之上九九八十一萬年而終上元之中八八六十四萬年而終上元之下七七四十九萬年而終此上元三阨交運之數故不可奪中元之上六六三十六萬年而終中元之中五五二十五萬年而終中元之下四四十六萬年而終此中元三阨交運之數故不可奪下元之上三三九萬年而終下元之中

二四萬年而終下元之下一萬年而終此  
下元三厄交連之數也故不可奪此是三元  
九厄數期巨連九厄之中一厄三災六害亦  
不可却之三十年一大災人民死亡骸骨不  
收千年一災人民半死骸骨亦不收百年一  
災兵起滿野人民亦有死者此三災其數既  
至不可改讓之六害者三百六十年一害三  
百年一害二百四十年一害一百八十年一  
害一百二十年一害六十年一害凡有六害  
不可讓却六害之中復有三小災所以者何  
三十年一災牛病五穀貴十二年一小災賣  
牛馬糶食儲六年一小災布絹賤米麥貴恒  
以此度不可却之凡此三元九厄三災六害  
皆不可讓之智人審之可避而去之若小災  
飢饉不熟貯穀備之是以賢人就有德去無  
道遂福地離湯火故始終無殃患也故天下  
皆亂而賢獨安天下皆飢而賢獨足是以賢  
者觀時來知吉凶審年數避禍難故終無患  
也是以君子遜賢而居果有利益小人就上  
地而處果有覆沒之患故須遜賢者也炎明

曰受恩願問餘解大千之載一切衆生悉有  
道性雖有其性而無其真當運滅盡其性如  
何答曰滅盡運終一切衆生普生慈心志存  
道場當斯末劫周時得道唯有種子泡生而  
漂終不死也何以故以重其種故一切萬類  
亦留其種終不普昇也問曰如諸衆生普得  
道真與大道同體否答曰一切衆生得道成  
仙號曰世尊於此稱蓋矣唯有大道之氣可  
得之耳云欲合同道量未之有也何以故譬  
如飢人羨飽得飽飽而忘飢是以真人起於  
不足而忘於之得足以忘不足問曰道性可  
見否答曰不可見而可見之故可見未  
成觸目而不觀何以故一真人視道性萬  
分始得見一自聲聞圓覺知進而不知進  
者諸漏已盡更無煩惱神通變効學士所不  
能及故知進而忘其退四道尚知進而不知  
退而況於二士乎問曰三道果人俱有果行  
其漏何以不除答曰三道果人有時漏而不  
忘一道果人妻子眷屬未相去離憂念眷屬  
不能斷絕故為漏有願進退若有之四道以

上日昇于辰必至歲午何以故無漏無願是  
昇于辰亦向午也是以悉存而不忘故譬之  
也

洞玄靈寶本相運度劫期經

十三